

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA

KANTONALNI SUD U NOVOM TRAVNIKU

Broj: 46 0 K 094083 24 Kžk

Novi Travnik, 19.03.2025. godine

U IME FEDERACIJE BOSNE I HERCEGOVINE!

Kantonalni sud u Novom Travniku u vijeću sastavljenom od sudija Darmina Avdić kao predsjednika vijeća, te Lazarele Porić i Denisa Trifković kao članova vijeća, uz sudjelovanje zapisničara Antonie Kovač, u krivičnom predmetu protiv optuženog E. Š. zbog produženog krivičnog djela Prijevara u privrednom poslovanju iz člana 251. stav 2. u vezi sa stavom 1. Krivičnog zakona Federacije Bosne i Hercegovine, postupajući po optužnici Kantonalnog tužilaštva Travnik broj: T06 0 KT 0011633 11 od 08.10.2018. godine, nakon održanog pretresa pred apelacionim vijećem u prisustvu optuženog, njegovog branitelja Hajrudina Pokvić, advokata iz Bugojna i kantonalnog tužitelja Šaćira Hadžić, dana 19.03.2025.godine donio je i u odsustvu uredno obaviještenih stranaka i branitelja, javno objavio sljedeću:

PRESUDU

Optuženi: E. Š., zv. C., sin F. i majke R. rođene S., rođen godine u B., nastanjen u ul. J. V. broj ... D. B., Bošnjak, državljanin BiH i SAD-a, JMBG: ..., oženjen, otac petoro djece od kojih dvoje malodobno, pismen, završio SSS, srednjeg imovnog stanja, zaposlen u sopstvenoj građevinskoj kompaniji, vojsku nije služio, ne vodi se u vojnoj evidenciji bez odlikovanja i čina rezervnog vojnog starješine, osuđivan, nalazi se na slobodi,

na osnovu člana 299. tačka a) Zakona o krivičnom postupku Federacije BiH

OSLOBAĐA SE OPTUŽBE

da je:

1. U vremenskom periodu počev od septembra mjeseca 2011. godine pa do kraja mjeseca decembra 2012. godine u Bugojnu kao odgovorno lice u privrednom društvu "V." d.o.o. Bugojno s ciljem pribavljanja protupravne imovinske koristi za privredno društvo "V" d.o.o. Bugojno doveo u zabludu vlasnika privrednog društva "G" d.o.o. Bugojno K. M., na način da je kao direktor firme „V“. d.o.o. koristio usluge spavanja, hrane i pića u motelu koji je registrovan u sklopu privrednog društva „G“, tako što mu je obećao da će blagovremeno isplatiti račun za usluge spavanja hrane i pića, pa kada mu je ispostavljena faktura na iznosu od 5.600,00 KM prestao je koristiti usluge izbjegavajući da plati račun, tako da nikada nije društvu „G“ platio navedeni račun u

iznosu od 5.600,00 KM, pa je za navedeni novčani iznos oštetio privredno društvo „G“ d.o.o. Bugojno;

2. U vremenskom periodu počev od septembra mjeseca 2011. godine, pa do kraja mjeseca decembra 2012. godine u Bugojnu, kao odgovorno lice u privrednom društvu „V“ d.o.o. Bugojno, s ciljem pribavljanja protupravne imovinske koristi za privredno društvo „V“ d.o.o. Bugojno, doveo u zabludu vlasnika obrtničke radnje „B“ iz Bugojna K. A. koje je registrovano za izgradnju instalacija za vodovode i grijanje, na način da je privredno društvo „B“ d.o.o. po zahtjevu privrednog društva „V“ d.o.o. izvršilo ugradnju grijanja na objektu diskoteke koja je poslovala u sklopu privrednog društva „V“ istovremeno se obavezao da će blagovremeno izvršiti plaćanje računa za obavljene usluge, nakon čega se oglušio da plati račun za izvršene usluge od 5.600,00 KM, te prodao radijatore koji su ugrađeni od strane privrednog društva B. d.o.o., a nikada nije platio račun od 5.600,00 KM firmi „B“ d.o.o., pa je na taj način za navedeni novčani iznos oštetio privredno društvo „B“ d.o.o. Bugojno;

3. U vremenskom periodu počev od septembra mjeseca 2011. godine pa do kraja mjeseca decembra 2012. godine u Bugojnu kao odgovorno lice u privrednom društvu „V“ d.o.o. Bugojno s ciljem pribavljanja protupravne imovinske koristi za privredno društvo „V“ d.o.o. Bugojno doveo u zabludu vlasnika privrednog društva Hotel „K“ u Bugojnu H. N. na način da je iznajmio u zakup poslovni prostor diskoteke površine 800 m³ i poslovni prostor svadbene salone površine 400 m³, o čemu je sačinjen ugovor o zakupu poslovnog prostora po kojem je ugovorena zakupnina u iznosu od 3.500 KM i ista će se plaćati do kraja tekućeg mjeseca međutim privredno društvo „V“ nikada nije izvršilo plaćanje zakupnine oštećenom hotelu K., pa je na taj način pričinio štetu oštećenom H.N. u visini zakupnine u iznosu od 35.000,00 KM;

4. U vremenskom periodu počev od septembra mjeseca 2011. godine pa do kraja mjeseca decembra 2012. godine u Bugojnu kao odgovorno lice u privrednom društvu „V“ d.o.o. Bugojno s ciljem pribavljanja protupravne imovinske koristi za privredno društvo „V“ d.o.o. Bugojno doveo u zabludu vlasnika privrednog društva „K“ d.o.o. Novi Travnik K. A. koje se bavi proizvodnjom ugostiteljske opreme, na način da je naručio i preuzeo ugostiteljske stolove i stolice a istovremeno se obavezao da će za preuzetu robu blagovremeno platiti račun u iznosu od 16.869,00 KM, što nikada nije učinio već je ugostiteljsku robu prodao trećim licima, pa je na taj način oštetio privredno prometno društvo „K“ za navedeni novčani iznos;

čime da je počinio produženo krivično djelo Prijevara u privrednom poslovanju iz člana 251. stav. 2 u vezi stava 1. istog člana Krivičnog zakona Federacije BiH.

Na osnovu člana člana 203. stav 1. Zakona o krivičnom postupku Federacije BiH troškovi krivičnog postupka iz člana 199. stav 2. tačke od a) do f) istog zakona, kao i nužni izdaci optuženog i nužni izdaci i nagrada branitelja padaju na teret budžetskih sredstava.

Oštećena privredna društva „G“ d.o.o. Bugojno, „B“ d.o.o. Bugojno, Hotel „K“ Bugojno i „K“ d.o.o. Novi Travnik se, primjenom odredbe člana 212 stav 4. Zakona o krivičnom postupku Federacije BiH, upućuju da svoje imovinskopravne zahtjeve prema optuženom mogu ostvarivati u parničnom postupku.

Zapisničar
Antonia Kovač

Predsjednik vijeća
Darmin Avdić